

La canzon de Rosetina

Pute care, pute bele,
Non sté a far mai più l'amor,
Che ste cagne de ste mare
No se move a compassion.

La mia mama me vol dare
Per marito un servitor;
Ma mi za nol voggio amare,
Perché amo' l mio primo Amor.

Stamatina so' levada
Prim'assae che leva 'l sol,
Me so' trata a la fenestra
E go visto lo mio Amor.

L'altro dì so' quasi morta
No l'o visto tuto 'l dì;
La mia mama à fato scorta:
Sul più bel l'a m' à tradi.

La mia mama sempre chiama:
"Rosetina, vien de qua;
Che no voggio che ti staga
Sul balcon che l'è passà".

Mama mia, lassé che l'ama ,
Che l'è stà 'l mio primo Amor;
E se no volé che l'ama,
Morirò dal gran dolor.

Mama mia, seré sta porta,
Che no vegna più nissun:
Farò finta d'esser morta,
Farò pianzer qualchedun.

Voi far fare una ghirlanda
Tuta rose damaschin;
Voggio meterla da banda
Finché morta sarò mi.

Voi far far 'na cassa fonda
Che ghe stémo dentro in tre:
Lo mio padre, la mia madre,
Lo mio Amor in braccio a me.

Poi ai piedi de sta cassa
Nu ghe planteremo un fior;
E la sera 'l planteremo,
La matina 'l sarà fiorì.

Tuti quei che passeranno
I dirà: de chi è sto fior
El ze 'l fior de Rosetina
Che xe morta per amor.